



唐詩紀事卷第八

陳子昂

邵大震

李日知

李景伯

劉禘之

王無競

袁恕已

郭元震

崔融

張昌齡

陳子昂

字伯玉梓州人資編躁然好施予篤朋友與陸餘慶王無競房融崔泰之盧藏用趙元最厚唐興文章承徐庾餘風子昂始變雅正為感遇詩三十八篇王適曰為海內文宗

子昂趙貞固盧藏用杜審言宋之問畢隆

馬承禎釋懷一陸餘慶號方外十友

盧黃門藏用曰道喪五百歲而得陳君

顏真卿曰若激昂顏俗雖無害

於過正權其中論不亦傷於厚詎與沈隱

侯論謝康樂靈均以來此秘未親同也開寶中梓州

刺史郭廷謂以詩哭之略曰魄逐東流水墳依獨坐山

退之薦士詩曰國朝盛文章子昂始高蹈黃門侍郎盧

藏用祭文曰子之生也珠玉流兮王方縈子之歿也泰

山頽兮良玉折士林闕寂兮人物疎門館蕭條兮賓侶

絕嘆佳城之不返辭玉階而長別嗚呼置酒祭子子不

顧亢聲哭子子不迴唯天道而無託但撫心而已摧

獨異記載子昂初入京不為人知有賣胡琴者價百萬

豪貴傳視無辨者子昂突出顧左右曰輦千緡市之衆

驚問荅曰余善此樂皆曰可得聞乎曰明日可集宣陽

里如期偕往則酒肴畢具置胡琴於前食畢捧琴語曰

蜀人陳子昂有文百軸馳走京輟碌碌塵土不為人知

此樂賤工之後豈宜留心舉而碎之以其文軸遍贈會

者一日之內聲華溢都時武攸宜為建安王辟為書記

感遇詩云微月生西海幽陽始代昇圓光正東滿陰魄

已朝疑太極生天地三元更廢興至精諒斯在三五誰

能徵其蘭若生春夏芊蔚何青青幽獨空林色朱蕤冒

紫莖遲遲白日晚嫋嫋秋風生歲華盡搖落芳意竟何

成其蒼蒼丁零塞今古緬荒途亭堠何摧兀暴骨無全
軀黃沙漠南起白日隱西隅漢甲三十萬曾以事匈奴
但見沙場死誰憐塞上孤其樂羊為魏將食子殉軍功
骨肉且相薄他人安得忠吾聞中山相乃屬放麇翁孤
獸猶不忍况以奉君終其市人矜巧智於道若童蒙傾
奪相夸侈不知身所終獨見玄真子觀世玉壺中杳然
遺天地乘化入無窮其吾觀龍變化乃知至陽精石林
何冥密幽洞無留行古知得仙道信與元化并玄感非
象識誰能測淪冥世人拘目見酣酒笑丹經崑崙有瑤
樹安得采其英其白日每不歸青陽時暮矣茫茫吾何

思林卧觀無始衆芳委時晦鷓鴣悲鳴耳鴻荒古已頽
誰識巢居子其吾觀崑崙化日月淪洞冥精魄相交會
天壤以羅生仲尼推太極老聃貴窈冥西方金仙子崇
議乃無明空色皆寂滅業緣定何成名教信紛籍死生
俱未停其聖人秘元命懼世亂其真如何嵩公草詠譎
悞時人先天誠為美階亂禍誰因長城備胡寇羸禍發
其親赤精既迷漢子年何救秦去去桃李花多言死如
麻其深居觀群動怏然爭朵頤群動相啖食利害紛疑
疑便便夸毗子榮耀更相持務光讓天下商賈競刀錐
已矣行采芝萬世同一時其吾愛鬼谷子青谿無垢氛

囊括經世道遺身在白雲七雄方龍鬪天下亂無君淳
榮不足貴導養晦時文舒可彌宇宙卷之不盈分豈徒
山木壽空與藥鹿群一吻吻南山鹿離咎以媒和招搖
青桂樹幽靈亦成科世情甘近習榮耀紛如何怨憎未
相復親愛生禍羅瑤臺傾巧笑玉盃殞誰見拈城
蘂青青成芥朽林居病時久水木誰見拈城化悠悠念無生青春始萌達朱火已誰見拈城感歎何時平三臨岐泣世道天命良誰見拈城玉馬遂朝周寶鼎淪伊穀瑤臺成古丘西山傷遺老東
陵有故侯叶貴人難得意賞愛在須臾莫以心如玉探

他明月珠昔稱天桃子今為春市徒鴟鴞悲東國麋鹿
泣姑蘇誰見鴟夷子扁舟去五湖五聖人去已久公道
緬良難蚩蚩夸毗子堯禹以為謾驕榮貴工巧勢利逆
相干燕王尊樂毅分國願同歡魯連讓齊爵遺組去邨
鄆伊人信往矣感激為誰歎六幽居觀大運悠悠念群
生終古代興沒豪聖莫能爭三季淪周赧七雄滅秦嬴
復聞赤精子提劍入咸京炎光既無象晉虜紛縱橫堯
禹道已昧昏虐勢方行豈無當世雄天道與胡兵咄咄
安可言時醉而未醒仲尼溺東夏伯陽遁西溟大運自
古來旅人胡歎哉七透迤世已久骨鯁道斯窮豈無感

激者時俗頽此風灌園何其鄙皎皎於陵子世道不相
容嗟嗟張長公十聖人不利已憂濟在元元黃屋非堯
意瑤臺安可論吾聞西方化清淨道彌敦柰何窮金玉
雕刻以為尊雲構山林盡瑤圖珠翠煩鬼功尚未可人
力安能存夸遇適增累矜知道逾昏九玄天幽且默群
議曷嗤嗤聖人教猶在世運久陵進一繩將何繫憂醉
不能持去去行采芝勿為塵所欺二蜻蛉遊天下與世
本無患飛飛未能止黃雀來相干穰侯富秦寵金石比
交歡出入咸陽裏諸侯莫敢言寧知山東客激怒秦王
肝布衣取丞相千載為辛酸二十微霜知歲晏斧柯始

青青况乃金天夕皓露露群英登山望宇宙白日已西
冥雲海方蕩滴孤鱗安得寧二十翡翠巢南海雄雌珠
樹林何知美人意驕愛比黃金殺身炎洲裏委羽玉堂
陰旖旎光首飾歲穉爛錦衾豈不在遐遠虞羅忽見尋
多材信為累歎息比珍禽二十挈餅者誰子妖服當青
春三五明月滿盈華不自珍高堂委金玉微縷懸千鈞
如何負公鼎被敘笑時人二十寒蟬號白露茲歲已蹉
跎群物從大化孤英將柰何瑤臺有青鳥遠食玉山禾
崑崙見玄鳳豈復虞雲羅二十荒哉穆天子始與白雲
期宮女多怨曠層城閉蛾眉日耽瑤臺樂豈傷桃李時

青苔空萎絕白髮生羅帷二十朝發宜都渚浩然思故

鄉故鄉不可見但見巫山陽巫山彩雲沒高丘正微茫

佇立望已久涕淚霑衣裳豈茲越鄉感憶昔楚襄王朝

雲無處所荆國亦淪亡二十昔日章華宴荆王樂荒淫

霓旌翠羽蓋射兕雲夢林竭來高堂觀悵望雲陽岑雄

圖今何在黃雀空哀吟二十丁亥歲云暮西山事甲兵

羸糧而叩道荷戟爭羗城嚴冬陰風勁窮岫油雲生昏

黯無晝夜羽檄復相驚拳跼兢萬仞崩危走九冥籍籍

峯壑裏哀哀冰雪行聖人御宇宙聞道太階平肉食謀

何失藜藿緬縱橫二十可惜瑤臺樹灼灼佳人姿碧華

歇未實攀折青春時豈不盛光寵榮君白玉墀但恨紅

芳歇凋傷感所思二十竭來豪遊子勢利禍之門如何蘭

膏歎感激自生冤衆趨明所避時棄道猶存雲泉既已

失羅網與誰論箕山有高節湘水有清源唯應白鷗鳥

可為洗心言二十索居猶幾日炎夏忽然衰陽彩皆陰

翳親友盡睽違登山望不見涕泣久漣漣宿昔感顏色

若與白雲期世中驕豪子驅逐正嗤嗤蜀山與楚水携

手在何時二十金鼎合神丹世人將見欺飛飛騎羊子

胡乃在峨眉變化固幽類芳菲能幾時疲痾苦淪世憂

瘁日侵淄眷然顧幽褐白雲空涕洟二十朔風吹海樹

蕭條邊已秋亭上誰家子哀哀明月樓自言幽燕客結
髮事遠遊赤丸殺公吏白刃報私讐避仇至海上被後
此邊州故鄉三千里遼水復悠悠每憤胡兵入常為漢
國羞何知七十載白首未封侯三十一本為貴公子平生
實愛才感時思報國拔劍起蒿萊西馳丁令塞北上單
于臺登山見千里懷古心悠哉誰言未忘禍磨沒成塵
埃三十一浩然坐何暮吾蜀有峨眉念與楚狂子悠悠白
雲期時哉悲不會涕泣久漣沔夢登綏山穴南採巫江
芝探元觀造化遺世從雲螭婉變將永矣感悟不見之
三十一朝入雲中郡北望單于臺胡秦何密邇沙朔氣雄

哉藉籍天驕子猖狂已復來塞垣無名將亭堠空崔嵬
咄嗟吾何歎遼人塗草萊三十一仲尼探元化幽鴻順陽
和大運自盈縮春秋邇來過盲飈勿心號怒萬物相紛靡
溟海皆震蕩孤鳳其如何三十一

邵大震

九日登玄武山旅眺云九月九日望遙空秋水秋天生
夕風塞馬一行南去遠游人幾度菊花叢盧照隣和云
九月九日眺山川歸心歸望積風煙他鄉共酌黃花酒
萬里同悲鴻鴈天玄武山在今東蜀高宗時王勃以檄
雜文斥出沛王府既廢客劍南有遊玄武山賦詩照隣

為新都尉大震其同時人也初詩云九月九日望鄉臺
他席他鄉送客杯人今已厭南中苦鴻鴈那從北地來

李日知

鄭州人景龍初為相初安樂公主館第成中宗臨幸燕
從官賦詩日知卒章曰所願但知居者樂無使時稱作
者勞獨以規誠睿宗他日謂曰向時雖朕亦不敢諫非
卿亮直何能爾即拜侍郎亮直唐書本傳作亮直

李景伯

中宗宰相懷遠之子景龍初為諫議大夫中宗宴侍臣
酒酣各命為迴波辭景伯獨為箴規語帝不悅蕭至忠

曰真諫官也迴波辭曰迴波爾時酒卮微臣職在箴規
侍宴既過三爵喧譁切恐非宜

劉禕之

字希美常州人與孟利貞高智周郭正一俱有名號劉
孟高郭上元中與元萬頃等偕召入禁中論次新書高
宗又密與參決時政以分宰相權時謂北門學士武后
時以罪賜死

九成宮秋初應制詩云玄圃疏金闕仙臺駐玉鑾野分
仙鶴岫路接寶雞壇林樹千霜積山宮四序寒蟬急知
秋早鶯踈覺夏闌怡神紫氣外凝睇白雲端舜海詞波

發空驚游聖難

和太子納妃公主出降詩曰夢梓光青陞穠桃藹紫宮
德優宸念遠禮備國姻崇萬戶聲明發三條騎吹通香
輪送重景綵旂引仙虹

奉和別越王詩云周屏辭金殿梁驂整玉珂管聲依折
柳琴韻動流波鶴蓋分陰促龍軒別念多延襟小山路
還起大風歌

王無競

字仲烈宋大尉弘之裔氣豪縱下筆成章為殿中侍御
史張易之等誅坐嘗交貶廣州仇家矯制榜殺之巫山

詩云神女向高唐巫山下夕陽徘徊作行兩婉變逐荆
王電影江前落雷聲峽外長朝雲無處所臺館曉蒼蒼
宋之問下山歌云下高丘兮懷所思携佳人兮步遲遲
松間明月長如此君再遊兮復何時無競和云日云暮
兮下嵩山路連綿兮樹石間出谷口兮見明月心徘徊
兮不能還

袁恕已

詠屏風云綺閣雲霞滿芳林草樹新鳥驚疑欲曙花笑
不關春山對彈琴客溪流垂釣人請看車馬客行處有
風塵

怨已滄州人與誅二張相中宗及貶周利正逼殺之

郭元振

古劍歌云君不見昆吾鐵冶飛炎煙紅光紫氣俱赫然
良工鍛鍊凡幾年鑄得寶劍名龍泉龍泉顏色如霜雪
良工差咨歎奇絕瑠璃玉匣吐蓮花錯鏤金環生明月
正逢天下無風塵幸得周防君子身精光黯黯青蛇色
文章片片綠龜鱗非直結交遊俠子亦曾親近英雄人
何言中路遭棄捐零落飄淪古獄邊雖復沉埋無所用
猶能夜夜氣衝天

子美代公故宅詩云北公臨事斷顧
步涕橫落高詠寶劍篇神交付冥漠

元振尉通泉任俠使氣撥去小節武后知所為召欲詰

既與語奇之索所為文章上寶劍篇后覽嘉嘆詔示學

士李嶠等

久成人偏老長征馬少肥元振警句也元振嘗山居夜
有人面如盤出燈下元振以此詩題其頰遂滅明日出
行巨木上有白耳此句在焉

元振魏州人年十六與薛稷趙彥昭同為太學生資雄
邁景雲中位宰相

崔融

融字安成齊州人擢入科高第與李嶠蘇味道王紹宗
附易之兄弟杜審言為融所獎引為服緦麻子禹錫翹

知名孫巨曾孫從

和宋之問寒食題黃梅臨江驛云春分自淮北寒食渡
江南忽見潯陽水疑是宋家潭明主閣難叫孤臣逐未
堪遙思故園陌桃李正酣酣宋之問詩云馬上逢寒食
愁中屬暮春可憐江浦望不見洛橋人北極懷明主南
溟作逐臣故園腸斷處日夜柳條新

戶部尚書崔公挽歌云八座圖書委三臺章奏盈舉杯
常有勸曳履忽無聲市若荊州罷池如薛縣平空餘濟
南劍天子署高名

詠劍詩云寶劍出昆吾龜龍夾采珠五精初獻術千戶

競論都匣氣衝牛斗山形轉廡盧欲知天下貴持此問
風胡

則天皇后挽歌云前殿臨朝罷長陵合葬歸山川不可
望文物盡成非陰月霾中道軒星落太微空餘天子老
松上景雲飛

韋長史挽詞云日落桑榆下寒生松柏中冥冥多苦霧
切切有悲風京兆新阡闕扶陽甲第空郭門從此送荆
棘漸蒙籠

崔融瓦松賦序曰崇文館瓦松者產于屋雷之下謂之
木也訪山客而未詳謂之草也驗神農而罕記賦云隄

煌特秀狀金芝之產雷歷歷虛懸若星榆之種天葩條
郁毓根抵連卷開紫苔而衰露凌碧瓦而含煙又曰慙
魏宮之烏悲慙漢殿之紅蓮崔公博學莫不該悉豈不
知瓦松已有舊說乎博雅云在屋曰昔邪在墻曰垣衣
廣志謂之香生於久屋之瓦魏明帝好之命長安西載
其瓦於洛陽以覆屋前代詞人詩中多用昔邪梁簡文
詠薔薇曰綠堦覆碧倚依簷映昔邪或言屋上木多松
栽土木氣洩則瓦松生出酉陽雜俎烏悲字未詳
久視元年改控鶴府為奉宸府張易之為奉宸令引詞
人為供奉佞者奏云昌宗王子晉後身令被羽衣吹簫

乘木鶴奏樂於庭融賦詩為絕唱有昔遇浮丘伯今同
丁令威中郎才貌是藏史姓名非之句後與宰相蘇味
道相謂云某詩所以不及相公無銀花合味道云雖無
銀花合還有金銅丁取令威之句也蘇有詩云火樹銀
花合

融為文華婉當時未有輩者朝廷大筆多手教委之撰
武后哀冊最高麗絕筆而死時謂思苦神竭云

張昌齡

冀州人與兄昌宗皆能文昌齡舉進士與王公治齊名
皆為考功王師旦所絀太宗問之荅曰昌齡等華而少

實其文浮靡非令器也取之則後生勸慕亂陛下風推
帝然之後獻翠微宮頌敕於通事舍人裏供奉賀蘭敏
之奏豫北門修撰卒南部新書云昌齡與文皇作息兵
詔嘆曰襴衡潘岳之儔也

唐詩紀事卷第八

唐詩紀事卷第九

李適

張錫

徐彥伯

宗楚客

常承慶

蕭至忠

李迥秀

劉憲

崔湜

岑羲

李適

適字子至京兆人武后修三教珠英以李嶠張昌宗為
使取文學士綴集適與王無競尹元凱等在選睿宗時
以工部侍郎卒

九日登慈恩應制云鳳輦乘朝霽鸚林對晚秋天文具
葉寫聖澤菊花浮塔似神功造龕疑佛影留幸陪清漢

蹕欣奉淨居遊

荅宋十一崖口五渡見贈云聞君訪遠山躋險造幽絕
眇然青雲境觀竒彌年月登嶺亦泝溪孤舟事公越
嶂傳彩翠崖磴互歌缺石林上攢叢金澗下明滅捫壁
窺丹井梯苔瞰乳穴忽枉巖中贈對翫未嘗輟殷勤獨
往事委曲鍊藥說邀余名山期從爾泛海滋歲宴秉宿
心斯言匪徒說

初中宗景龍二年始作修文館置大學士四員學士八
員直學士十二員象四時八節十二月於是李嶠宗楚
客趙彥昭韋嗣立為太學士適與劉憲崔湜鄭愔盧藏

用李義岑義劉子玄為學士薛稷馬懷素宋之問武平
一杜審言沈佺期間朝隱為直學士又召徐堅韋元旦
徐彥伯劉允濟等滿員其後被選者不一凡天子饗會
游豫唯宰相直學士得從春幸黎園並渭水袂除則賜
柳圈辟瀾夏宴葡萄園賜朱櫻秋望慈恩浮圖敲菊花
酒稱壽冬幸新豐歷白鹿觀上驪山賜浴湯池給香粉
蘭澤從行給翔麟馬品官黃衣各一帝有所感即賦詩
學士皆屬和當時人所欽慕然皆狎猥佻倖忘君臣禮
法惟以文華取幸若韋元旦劉允濟沈佺期宋之問閻
朝隱等無它稱景龍二年七夕御兩儀殿賦詩李嶠獻

詩云誰言七襄詠流入五絃歌是日李行言唱步虛歌九月幸慈

恩寺塔上官氏獻詩群臣並賦閏九月幸揔持登浮圖

李嶠等獻詩十月三日幸三會寺十一月十五日中宗

誕辰內殿聯句為栢梁體二十一日安樂公主出降武

延秀是月以婕妤上官為昭容十二月六日上幸薦佛

寺鄭愔詩先成舊師三乘宋之問後進駕象法王歸是也立春

侍宴賦詩二十一日幸臨渭亭李嶠等應制三十日幸

長安故城十二月晦諸學士入閣守歲以皇后乳母戲

適御史大夫竇從一往來其家遂有國策之號三年人日清暉閣登

高遇雪宗楚客詩云蓬萊雪作山是也因賜金綵人勝

李嶠等七言詩千鍾聖酒御是日甚懼上令學士速起

屢舞至沈佺期賦迴波有齒綠牙緋之語晦日幸昆明

池宋之問詩自有夜珠來之句至今傳之二月八日送

沙門玄奘等臨荊州李嶠等賦詩十一日幸太平公主

南庄七月幸望春宮送朔方節度使張奩赴軍八月三

日幸安樂公主西庄九月九日幸臨渭亭分韻賦詩安

石先十一月一日安樂公主入新宅賦詩十五日中宗

誕辰長寧公主滿月李嶠詩龍神見象日仙鳳養鷄年

是也二十三日南郊徐彥伯上南郊賦十二月十二日

幸溫泉宮勅蒲州刺史徐彥伯入仗同學士例因與武

平一等五人獻詩上官昭容獻七言絕句三首十四日
幸韋嗣立庄拜嗣立逍遙公名其居曰清虛原幽栖谷
十五日幸白鹿觀十八日幸秦始皇陵四年正月朔賜
群臣栢樹五日蓬萊宮宴吐蕃使因為栢梁體吐蕃合人亦賦
七日重宴大明殿賜綵鏤人勝又觀打毬八日立春賜
綵花二十八日晦幸滻水二月一日送金城公主三日
幸司農少卿王光輔庄是夕岑羲設茗飲討論經史武
平一論春秋崔日用請北面日用贈平一歌曰彼名流
兮左氏癖意玄遠兮冠今昔二十一日張奩至自朔方
宴于桃花園賦七言詩明日宴承慶殿李嶠桃花園詞

因號桃花行三月一日清明幸梨園命侍臣為榘河之
戲三日上巳榘於渭濱賦七言詩賜細柳園八月令
學士尋勝同宴於禮部尚書竇希玠亭賦詩張說為之
序十一日宴於昭容之別院二十七日李嶠入都附廟
徐彥伯等餞之賦詩四月一日幸長寧公主庄六日幸
興慶池觀競渡之戲其日過希玠宅學士賦詩二十九
日御宴祝欽明為八風舞諸學士曰祝公斯舉五經掃
地盡矣睿宗時道士司馬承禎還天台適贈詩詞甚美
朝士屬和三百餘人徐彥伯編為白雲記
中宗幸興慶戲競渡應制云拂霧金輿丹旆轉凌晨

唐言卷之九
帳看池開南山倒影從雲落北澗搖光寫浪迴急舸爭
標排行度輕帆截浦觸荷來橫汾宴鎬歡無極歌舞年
年聖壽盃

陪幸臨渭亭詩云長樂喜春歸披香愛雪霏花從銀閣
度絮繞玉窻飛寫曜御天藻呈祥拂御衣上林紛可望
無處不光輝

安樂公主山庄云平陽金榜鳳凰樓沁水銀河鸚鵡洲
綵仗遙尋丹壑裡仙輿暫幸綠亭幽前池錦幔蓮花艷
後嶺香爐桂藥秋貴主稱觴萬年壽還輕漢武濟汾遊
人日大明宮應制云朱城待鳳韶華至碧殿乘龍淑氣

來寶帳金屏全已帖圖花學鳥勝初栽林香近接宜春
苑山翠遙添獻壽杯向夕憑高風日麗天文垂曜象昭

回

望春宮迎春應制云玉輦金輿天上來花園四望錦屏
開輕絲半拂朱城柳細纈全披畫閣梅舞蝶分行飄御
席歌鶯度曲繞仙盃聖詞春日光輝滿漢主秋風莫道
才

送金城公主云絳河從遠聘青海赴和親月作臨邊曉
花為度隴春主歌悲顧鶴帝策重安人獨有瓊簫曲悠
悠思錦輪

宴安樂公主新宅云銀河半倚鳳凰臺玉酒相傳鸚鵡武
盃若見君平須借問仙槎一去幾時來

錢唐永昌赴任東都云聞道飛鳥向洛陽翩翩矯翮度

文昌自尚書
即為令因聲寄意三花樹少室崑前幾過香適云
有田

在少室不
見十年矣

徐元伯題適碑陰序曰噫嘻李公生自號東山子死葬

東山豈其識哉神交者歌薤露以送子歸東山焉歌曰

隴障榮紫氣金光赫氛氲美人含遙靄桃李方自薰圖

高黃鶴羽寶奪驪龍群忽驚薤上曲掩壙東山雲口已

實天枉賈生亦晚促今復哀若人危迅風前燭夜空流

清鏡窮塵埋結綠何以贈下泉生葛惟一束

張錫

慈恩寺九月九日登浮圖應制云九州霜景淨十門曉

望通仙遊光御路瑞塔迥凌空菊彩揚堯日萸香遠舜

風天文麗辰象竊抃仰層穹

晦日宴高文學林亭云雪盡銅駝路花照石崇家年光

開柳色池影沉雲華賞洽情方遠春歸景未賒欲知多

暇日罇酒漬澄霞

錫文宗之子也父視初代其甥李嶠為宰相請還廬陵

王不為張易之所右俄知選坐賊論流循州韋后臨朝

為相旬日出刺絳州卒

徐彥伯

常州人為蒲州司兵參軍時司戶韋暹善判司士李巨
工書彥伯屬辭號河東三絕武后撰三教珠英取文辭
士皆天下選彥伯嶠居首

和宋之問崖口五渡云聞有獨往客拂衣捐世心結忻
薄枉渚撰念縈舊林經亘去崖合冥綿歸壑深琪樹環
碧彩金潭生翠陰河沁弄沙榜危仄眺明岑夕聞桂裏
猿曉翫松上禽雜佩蘊孤袖瓊敷綴雙衿我懷滄洲想
懿爾白雲吟秉願理方叶存期跡易尋茲言庶不負為

報巖中琴

贈劉舍人古意云女牀閔靈鳥文章世所希巢居碧梧
樹舞君青瑣闥或言鳳池樂撫翼更西飛鳳池還禁林
仙閣霧沉沉璇題激流日珠綴綿清陰郁穆絲言重熒
煌台座深風張丹屺翮月弄紫庭音還彩結不散孤英
跂莫尋浩歌向蘭渚婉變故儔心

和韋元旦朝云夕轉清壺漏晨驚長樂鐘逶迤綸禁客
假寐守銅龍予亦趨三殿有隨謁九重繁珂接曙響華
劔比春容相間台光歇彌憐芳意濃願言秉日旰携手
即雲峯

校楔渭濱侍宴應制云晴風麗日滿芳洲御幕春筵
錦流皆言曲侍璜溪宴整似輕飛天漢遊

侍宴韋嗣立庄云鼎臣休澣隙方外結遙心別業青霞
境孤潭碧樹林每馳東野策遙弄碧溪琴帝眷紆時豫
台園賞歲陰移鑿明月沼張組白雲岑御酒瑤觴落仙
壇竹徑深三光懸聖藻五等冠朝簪自昔皇恩盛咸言
獨自今

送金城公主云鳳宸憐簫曲鸞闈念掌珎羗庭遙築館
廟策重和親星轉銀河夕花移玉樹春聖心悽遠送留
蹕望征塵

駕幸溫泉云姬典歌時邁虞編記省方何如黑帝月又
似白雲鄉翠杖縈舡岸明旂應蕝音負王陽風搖花眊

彩雪艷寶戈芒御陌開油次離宮夾樹行桂枝籠驥馭
松葉蔭堂皇仙女含珠液溫池孕璧房湧疑神漢溢泛
若帝臺漿獨沸流常熱潛蒸氣轉香青壇環玉甃紅淀
鏤金光藻睢凝芳繁歲筵獻淑祥五龍歸寶筭九鴈叶
時康同預華封老中衢祝聖皇

安樂公主新宅云鳳樓開闔引明光花耐連添醉益香
欲知帝女薰天貴金歌玉柱夜成行或云金珂玉柱

錢唐州高使君云香萼媚紅滋垂條縈綠絲情人拂瑤

袂共惜此芳時
驪駃已躑躅
鳥隼方歲莖
跂聞望太守
流潤及京師

中宗幸興慶池戲競渡獻詩曰夾道傳呼翊翠虬
天迴日轉御芳洲
青潭曉靄籠仙蹕
紅嶼晴花隔綵旒
香溢金杯環廣坐
聲搖妓舸匝中流
群臣相慶嘉魚樂
共啣橫汾歌吹秋

中宗與修文館學士宴樂賦詩每命彥伯為文序
文彩華縟夜宴安樂公主新第序云言容有典
緝似幄之柔規湯沐增榮結風庭之藻漢又曰
鳴璜節珮登繡軸之瑯軒花綬香纓帶澤壺之青鎖
此言送鄭惟忠序云卷

蘆葉而橫吹聲愁隴月撫劍鐔而直視目斷吳洲
彥伯為文多變易求新以鳳閣為鷓閣龍門為虬戶金
谷為銑溪玉山為瓊岳竹馬為篠駮月兔為魄兔進士
効之謂之蒞體

宗楚客

正月晦中宗幸滻水詩云御輦出明光乘流泛羽觴
珠胎隨月減玉漏與年長寒盡梅猶白風遲柳未黃
日斜旌騎轉休氣滿林塘

人日清暉閣應制云窈窕神仙閣參差雲漢間
九重中禁啓七夕早春還太液天為水蓬萊雪作山
今朝上林

樹無處不堪攀

幸安樂公主西園應制詩玉樓銀榜枕嚴城翠蓋虹旗
列禁營日映層巖圖色畫風搖雜樹管絃聲水邊重閣
含飛動雲裡孤峯似削成幸陪七聖遊崑閩無勞萬里
訪蓬瀛

又安樂公主入新宅詩云星橋他日創仙榜此時開馬
向鋪錢埒簫聞弄玉臺人疑衛叔美客似長卿才借問
遊天漢誰能取石迴

楚客字叔敖河東人節愍太子之敗也楚客請誅其首
祭三思俄為相與紀處約締交世號宗紀御史崔琬劾

之帝詔琬拜宗紀兄弟兩解之世謂帝為和事天子帝
氏敗被誅

帝承慶

字延休性謹畏長安中為相附張易之時與異母弟嗣
立並為宰相帝氏孝友詞學則承慶嗣立邃音樂有萬
石達禮儀則叔夏史才博識有述時趙冬曦兄弟亦各
有名張說曰帝趙兄弟人之杞梓

寒食應制詩云鳳條春色晚龍禁早輝通舊火收槐燧
餘寒六柱宮鶯啼正隱葉雞闌始開籠藹藹瑤山滿仙
歌始樂風

直中書省詩清切鳳凰池扶疎雜樹枝惟應集鸞鷲何
為宿羈鷁大造乾坤闢深恩雨露垂昆蚊既含養鷲駘
亦驅馳木偶翻為用芝泥忽濫窺九思空自勉五字本
無施徒喜逢千載何階咎二儀螢光向日盡蚊力負山
疲禁宇庭除闕閑宵鐘箭移暗花臨戶發殘月下簾敲
白髮隨身改丹心為主披命將時並泰言與行俱危寄
謝巢由客堯年正在斯

南中詠鴈云萬里人南去三秋鴈北飛不知何歲月得
與爾同歸

凌朝浮江旅思云天晴上初日春水送孤舟山遠疑無

樹潮平似不流岸花榮且落江鳥沒還浮羈望傷千里
長歌遣客愁

蕭至忠

安樂公主山庄云西郊窈窕鳳凰臺北渚平明法駕來
匝地金聲初度曲周堂玉溜始傳盃灣路分遊畫舟轉
岸門相向碧亭開微臣此時承宴樂髣髴疑從星漢迴
九日侍宴應制云望幸三秋暮登高九日初朱旗巡漢
苑翠帟俯秦墟寵極萸房遍恩深菊酎餘承歡何以荅
萬億俯宸居

得餘字

慈恩寺九日登塔應制云天蹕三東啓星輿六轡行登

高凌寶塔極目遍王城神衛空中逸仙歌雲外清重陽
千萬壽率舞頌昇平

送張宣赴朔方應制云命將擇耆年圖功勝必全光輝
萬乘錢威武二庭宣中衢橫鼓角曠野蔽旌旃推食天
厨至投醪御酒傳涼風過鴈苑殺氣下雞田分閩恩何
極臨岐動睿篇

陪幸長寧公主林亭云公主林亭地清晨降玉輿畫橋
飛渡水仙閣迥臨虛新晴看蛺蝶早夏摘芙蓉文酒娛
遊盛忻叨侍從餘

陪幸五王宅云北斗樞機任西京肺腑親疇昔王門下
今茲制幸晨恩光山水被聖作管絃新逸座薰紅藥當
軒暗綠筠摘荷纔早夏聽鳥尚餘春行漏金徒晚風煙
起觀津

三會寺應制云岩堯蒼史臺敬朗紺園開戒旦壺人警
翻霜羽騎來下輦登三襲褰旒望九垓林披館陶榜水
浸昆明灰網戶飛花綴幡竿度鳥迴豫遊仙唱動瀟洒
出塵埃

薦福寺應制云地靈傳景福天駕儼鈞陳佳哉藩邸舊
赫矣梵宮新香塔魚山下禪堂鴈水濱珠幡映白日鏡
殿寫青春甚懽延故吏大覺拯生人幸承歌頌末長奉

屬車塵

陪遊上苑遇雪云龍驟曉日望春宮正逢春雪舞春風
花光併在天文上寒氣行銷御酒中
至忠德言孫相中宗後從太平公主逆謀誅明皇曰至
忠誠國器但脫謬耳

李迥秀

慈恩寺九日應制云沙界人王塔金繩梵帝遊言從祇
樹賞行翫菊叢秋御酒調甘露天花亂綵旒堯年持佛
日同此慶時休

和主第錫宴云金榜岌堯雲裏開玉簫參差天際迴莫
驚側弁還歸路祗為平陽歌舞催

安樂公主山庄云詰旦重門聞鼓言蹕傳言太主奏山林
是日迴輿羅萬騎此時飲酒賜千金鷺羽鳳簪齊
荻園竹徑接帷陰手舞足蹈方無已萬年千歲
迥秀崔湜鄭愔在武后時呂崇以姦淫汙名位然
文迥秀嘗以鴛鴦一雙與張易之共飲取其常相送也
迥秀為兵部尚書有疾謂問者曰僕自知當作侍中有
命固不憂也問者出門而終詔贈侍中

劉憲

賜剪綵花應制云上林宮館效春心獨早知剪花疑始

發刻燕似新窺色濃輕雪點香淺嫩風吹此日叨陪侍
恩榮慙數枝

人日清暉閣應制云輿輦乘人日登臨上鳳京風尋歌
曲颺雪向舞行縈千官隨日合百福與時并承恩長若
此微賤幸昇平

安樂公主山庄云主家別墅帝城隈無勞海上覓蓬萊
沓嶂懸流平地起危樓曲閣半天開庭莎作薦舞行出
浦樹相將歌棹迴此日風光與形勝祇言併伴聖詞來
侍宴韋嗣立庄云東山有謝安枉道降鳴鑿緹綺紛初
日電旌度曉寒雲蹕巖間下虹橋澗底盤幽棲俄以局

聖矚窈窕餘歡崖懸飛溜直岸轉綠潭寬桂華堯酒冷松
響舜絃彈明主恩斯極賢臣節更殫不才叨侍從詠德
以濡翰

白鹿觀應制云玄遊乘落暉仙宇煖霏微石梁縈澗轉
珠旆掃壇飛芝童薦膏液松鶴舞駢駢還似瑤池上歌
成周馭歸

人日翫雪應制云勝日登臨雲葉起芳風搖蕩雪花飛
呈暉幸得承金鏡颺影還將奉玉衣

送金城公主云外館踰河右行營指路岐和親悲遠嫁
忍愛泣將離旌旆羗風引軒車漢水隨那堪馬上曲時

向管中吹

興慶池應制云蒼龍闕下天泉池軒駕來遊簫管吹綠
堤夏篠繁不散冒水新荷卷復披帳殿疑從畫裏出樓
船直在鏡中移自然東海神仙處何用西崑轍迹疲
宴安樂公主新宅云層軒洞戶且新披度曲飛觴夜不
疲綺綴玲瓏河色曉珠簾隱映月華窺

錢唐永昌云始見郎官拜洛陽旋聞近侍發雕章緒言
已勗暮年政綺字當生滿路光

七夕應制云秋吹過雙闕星仙動二靈更深移月鏡河
淺度銀輶殿上呼方朔人間失武丁天文茲夜裏光映

紫微庭

慈恩寺九日應制云香塔層霄半仙鑣淨境遊登臨憑
季月寥廓見中州御酒新寒退天文寶氣浮却邪將獻
壽茲月奉千秋

人日侍宴大明宮應制云禁苑韶華此日歸東郊道上
轉青旂柳色梅芳何處所風前雪裏覓芳菲開冰池內
魚新躍剪綵花間燕始飛欲識王游達陽氣為觀天藻
競春輝

奉和三日袞襖渭濱云桃花欲落柳條長沙頭水上足
風光此時御蹕來遊處願奉年年袞襖觴

奉和幸望春宮應制云暮春春色最便妍苑裏花開列
御筵商山積翠臨城起滻水浮光共暮連鶯藏嫩葉歌
相喚蝶礙芳叢舞不前歡娛節物今如此願奉宸遊億
萬年

憲字元度宋州人為中書舍人坐善張易之出刺論巨
獄疾其酷欲痛繩之反為所陷明皇在東宮憲啓曰褚
無量經明行修者年宿望宜教召問以察其言太子順
納

崔湜

白鹿觀應制云御旗探紫籙仙仗闢丹丘捧藥芝童下

焚香桂女留鸞歌無歲月鶴語記春秋臣朔真何幸常
陪漢武遊

送金城公主云懷戎前冊備降女舊姻修蕭鼓辭家怨
旌旃出塞愁尚孩中念切方遠御慈留顧之謀臣用仍
勞聖主憂

錢唐州高使君云芳春桃李時京郡物華好為岳豈不
貴所悲陟遠道遠道不可思宿昔夢見之贈君雙佩刀
日夕視來期

慈恩寺九日應制云帝里重陽節香園萬乘來却邪莫
結珮獻壽菊傳杯塔類承天湧門疑待佛開睿詞懸日

月長得仰昭回

立春內出綵花應制云澹蕩春光滿曉空逍遙御輦入
離宮山河降望雲天外臺樹參差煙霧中庭際花飛錦
繡合枝間鳥嘯管絃同即此歡娛齊鎬宴唯應率舞樂
薰風

婕妤怨云不分君恩斷新粧視鏡中容華尚春日嬌愛
已秋風枕席臨燈曉屏幃向月空年年後庭樹榮落在

深宮

秦州薛都督挽詞云十里絳山幽千年汾水派碑傳門
客建劔是故人留攏樹煙含夕山門月照秋古來鍾鼎

盛共盡一蒿丘

湜仁師之子弟澄液從兄涖並有文翰列居清要每私
宴自比王謝之家謂人曰吾門戶及出身歷官未嘗不
為第一丈夫當先據要路以制人豈能默默受制於人
故進取不已而不能令終湜執政時年三十六嘗暮出
端門下天津馬上賦詩曰春還上林苑花滿洛陽城張
說見之嘆曰文與位固可致其年不可及也

湜字澄瀾以文詞稱附韋后作相又附太平公主門下
客獻海鷗賦以諷湜稱善而不自悛帝誅蕭至忠湜流
嶺外後知湜本謀賜死荊州

岑羲

安樂公主山庄云銀榜重樓出霧開金輿步輦向天來
泉聲迥入吹簫曲山勢遙臨獻壽杯帝女含笑流飛電
乾文動色象昭回誠願北極拱堯日微臣抃舞詠康哉
宴安樂公主新宅云金榜重樓開夜扉瓊筵愛客未言
歸街歡不覺銀河曙盡醉那知玉露晞

錢唐州高使君云蒼茫南塞池明媚上春時目極傷千
里懷君不自持征車別岐路斜日下崦嵫一歎輶軒阻
悠悠即所思

慈恩寺九日應制云寶臺聳天外玉輦步雲端日麗重
陽景風搖季月寒禿堂遙集鴈帝樂近翔鸞願獻延齡
酒長承湛露歡

立春內出綵花應制云和風助律應韶年清蹕乘高入
望仙花笑鶯歌迎帝輦雲披日霽俯皇川南山近獻仙
盃上北斗平臨御座前一奉恩榮歡在鎬空知率舞聽
薰絃

羲字伯華初為金壇令弟仲翔長洲令仲休溧水令宗
楚客語本道巡察御史曰母遺江東三峯後相中宗睿
宗坐預太平公主謀誅始岑氏在清要者數十人羲曰
物極則反可以懼矣然不能抑退以及禍

唐詩紀事卷第九

